



საქართველოს საბჭოთა სოციალისტური რესპუბლიკის

მთავრობის

დადგენილებათა და განკარგულებათა კრებული

1939 წ. ივნისი 5

№ 17

თბილისი

შ ი ნ ა რ ს ი

სახალხო კომისართა საბჭოს და საქ. კ. პ. (ბ) ცენტრალური კომიტეტის დადგენილება

✓ 67. კოლმეურნეობებში სარწყავი წყლის განთავსებასთან ბრძოლის ღონისძიებათა შესახებ

სახალხო კომისართა საბჭოს დადგენილებანი

✓ 68. 1939 წლის განმეორებითი გამოკვების აბრეშუმის პარკის დამზადების ორგანიზაციის შესახებ.

69. სასოფლო საბჭოებში პირველადი აღრიცხვის მდგომარეობის შესახებ.

✓ 70. ქ. თბილისში საკოლმეურნეო ბაზრების მუშაობის გაუმჯობესების ღონისძიებათა შესახებ.

სახალხო კომისართა საბჭოს და საქ. კ. პ. (ბ) ცენტრალური კომიტეტის დადგენილება

67. კოლმეურნეობებში სარწყავი წყლის განთავსებთან ბრძოლის ღონისძიებათა შესახებ.

საქართველოს სსრ სახალხო კომისართა საბჭო და საქართველოს კ. პ. (ბ) ცენტრალური კომიტეტი აღნიშნავენ, რომ საკოლმეურნეო ნათესებს დიდ ზიანს აყენებს წყლის განთავსება და დატაცება კოლმეურნეთა საკარმიდამო ნაკვეთებისა და ერთპიროვნულ მეურნეთა მიწების მოსარწყავად, პარტიული და საბჭოთა ორგანიზაციები ჯეროვნად არ იბრძვიან წყლის წესიერი გამოყენებისათვის საკოლმეურნეო მიწებების მოსავლიანობის გასაზრდელად, დაუსჯელად სტოვებენ წყლით სარგებლობის გეგმების უხემ დარღვევებს.

საქ. კ. პ. (ბ) ცენტრალური კომიტეტის 1935 წლის 7 ივნისის პლენუმის გადაწყვეტილებით პარტიულ და საბჭოთა ორგანოებს სარწყავ რაიონებში წინადადება მიეცათ სასტიკად დაესაჯათ წყლის განთავსებისა და დატაცებაში დამნაშავენი, მაგრამ საქ. კ. პ. (ბ) ცენტრალური კომიტეტის ეს მითითება არსებითად უგულვებელყოფილია. ამის შედეგად სარწყავი მიწათმოქმედების რაიონებში ადგილი აქვს კოლმეურნეთა საკარმიდამო ნაკვეთებისა და ერთპიროვნულ მეურნეთა მიწების მოსარწყავად სარწყავი წყლის დატაცების მრავალრიცხოვან ფაქტებს კოლმეურნეობათა მიწების მორწყვის საზიანოდ. საჭიროდ სთვლიან რა დაუყოვნებლივ შესწყდეს ასეთი ანტისახელმწიფოებრივი და ანტისაკოლმეურნეო პრაქტიკა, რომელიც იწვევს კოლმეურნეობებში მოსავლის შემცირებას და ხელს უშლის კოლმეურნეობათა შემოსავლიანობისა და კოლმეურნეთა შემდგომი უსიკეთის შემდგომ ზრდას საქართველოს სსრ სახალხო კომისართა საბჭო და საქართველოს კ. პ. (ბ) ცენტრალური კომიტეტი ადგენენ:

დაევალოს საქართველოს სსრ მიწათმოქმედების სახალხო კომისარიატს, საქ. კ. პ. (ბ) აჭარისა და სამხრეთ-ოსეთის საოლქო კომიტეტებს, აჭარის ასსრ-ის სახალხო კომისართა საბჭოს, სამხრეთ-ოსეთის ავტონომიური ოლქის ცენტრალურ აღმასრულებელ კომიტეტს, საქ. კ. პ. (ბ) რაიონულ კომიტეტებს და რაიონულ აღმასრულებელ კომიტეტებს:

1. შემოიღონ წყლით სარგებლობის ისეთი წესი, რომლის დროსაც სარწყავი წყალი პირველ რიგში გადაგდებული იქნება კოლმეურნეობათა მიწებში და განსაზოგადოებულ ნათესებში და მეორე რიგში კოლმეურნეთა საკარმიდამო ნაკვეთებზე და ერთპიროვნულ მეურნეთა ნათესებში.

2. დააწესონ კოლმეურნეთა და ერთპიროვნულ მეურნეთა საკარმიდამო ნაკვეთებზე წყლის გაშვების ვადები და ნორმები იმ ვარაუდით, რათა მორწყვა დღეღამის განმავლობაში სწარმოებდეს და უზრუნველჰყონ მათი დაცვის სასტიკი კონტროლი.

საქართველოს
საგარეო ურთიერთობების
სამინისტრო

3. საირიგაციო სისტემების სამმართველოებისა და რაიონულ აღმასრულებელ კომიტეტების მიერ წყლით სარგებლობის დაწესებული გეგმის შესაბამისად შეიმუშაონ და თითოეული სოფლისათვის დააწესონ წყლის გაშვების ნორმები მოსახლეობისა და პირუტყვის რაოდენობისა და საკარმიდამო ნაკვეთებზე ნარგავთა შემადგენლობის მიხედვით.

4. „კოლმეურნეობათა საზოგადოებრივი მიწების განიავებისაგან დაცვის ღონისძიებათა შესახებ“ საქ. კ. პ. (ბ) ცენტრალური კომიტეტისა და სსრ კავშირის სახალხო კომისართა საბჭოს 1939 წლის 27 მაისის დადგენილების (სსრკ დადგ. კრ. 1939 წ. № 34, მუხ. 235) მე-10 პუნქტის შესაბამისად კოლმეურნეობებში განსაზოგადოებული ნათესებისაგან საკარმიდამო მიწების გამიჯვნის დროს, აგრეთვე თესლბრუნვის მინდვრების დაპროექტებისა და სოფლების დაგეგმვის დროს მხედველობაში მიიღონ, რომ სასურველი და მიზანშეწონილი დასახლებული პუნქტების წყლით სარგებლობის განცალკევება საკოლმეურნეო მინდვრებისაგან განსაკუთრებული წყალსავადები არხების მოწყობითა და საკარმიდამო ნაკვეთებზე და დასახლებულ პუნქტებში გაშვებული წყლის სპეციალური აღრიცხვით.

5. გაათავართონ არსებული ჰიდროსაგუშაგოების ქსელი და შემომვლელთა როოდენობა სარწყავ სისტემებში იმ ანგარიშით, რომ უზრუნველყოფილ იქნას ნათესების მოსარწყავად წყლის გაშვების საჭირო კონტროლი.

6. განუმარტონ კოლმეურნეებსა და ერთპიროვნულ მეურნეებს, რომ კოლმეურნეთა და ერთპიროვნულ მეურნეთა საკარმიდამო ნაკვეთების მოსარწყავად წყლის დატაცება განხილული იქნება როგორც წყლით სარგებლობის დადგენილი წესის დარღვევა, ხოლო დამნაშავენი მიცემული იქნებიან სამართალში.

საქ. სსრ ს. კ. ს-ოს თავმჯდომარის
მოადგ. გ. სტურუა.

საქ. კ. პ. (ბ) ც. კ-ის
მდივანი კ. ჩარკვიანი.

1939 წ. ივლისის 14. № 1346.
თბილისი.

სახალხო კომისართა საბჭოს დადგენილებანი

68. 1939 წლის განმეორებითი გამოკვების აბრეშუმის პარკის დამზადების ორგანიზაციის შესახებ.

სსრ კავშირის სახალხო კომისართა საბჭოსთან არსებული ეკონომიური საბჭოს 1939 წლის 3 ივლისის № ეს—412 განკარგულების შესაბამისად და ნაწილობრივ შესაცვლელად საქართველოს სსრ სახალხო კომისართა საბჭოს 1939 წლის 15 მარტის დადგენილებისა „აბრეშუმის პარკის კონტრაქტაციისა და დამზადების 1939 წლის გეგმის შესახებ“ (საქ. სსრ დადგ. კრ. 1939 წ. № 9, მუხ. 39) საქართველოს სსრ სახალხო კომისართა საბჭო ადგენს:



1. შემცირებულ იქნას 1939 წლის განმეორებითი გამოკვების აბარებების პარკის ჩაბარების ნორმა ერთ კოლოფ თესლზე 35-დან 30 კილოგრამამდე, რის გამო განმეორებითი გამოკვების პარკის დამზადების წლიური გეგმა განისაზღვროს 360 ტონის რაოდენობით, აქედან ზაფხულის გამოკვების—300 ტონა, ამასთან ეს გეგმა განაწილდეს ავტონომიური რესპუბლიკებისა და რაიონების მიხედვით, თანახმად დანართისა.

2. წინადადება მიეცეს საქართველოს დამფუძნებელი შეუდგეს საკონტრაქტაციო ხელშეკრულებათა დადებას მეაბრეშუმებთან ზაფხულის გამოკვების პარკის ჩაბარების შესახებ, პარკის ჩაბარების იმ ნორმების საფუძველზე, რომლებიც დაწესებულია ყველა რაიონისათვის ერთ კოლოფ თესლზე, 30 კილოგრამის რაოდენობით.

3. ზაფხულის გამოკვების პარკის მიღება ყველა რაიონში მოხდეს სსრ კავშირის მიწათმოქმედების სახალხო კომისარიატის ჯგუფობრივი სტანდარტის მიხედვით (1932 წლის 15 მარტის „ვესტ — 1—5“), ხოლო წულუკიძის, ზუგდიდის და სამტრედიის რაიონებში — ხარისხის მიხედვით, სსრ კავშირის მიწათმოქმედების სახალხო კომისარიატის მიერ 1939 წლის 1 აპრილს № 294 დამტკიცებული ტექნიკური პირობების შესაბამისად.

4. დაწესდეს ზაფხულის გამოკვების პარკის შემდეგი ხარისხობრივი დასამზადებელი ფასები 1 კილოგრამზე იმ რაიონებში, რომლებიც ხარისხობრივ მიღებას ანხორციელებენ:

I ხარისხი	—	22 მან.
II „	—	16 „
III „	—	10 მან. 80 კაპ.
დამზ. წუნი	—	2 „ 50 „
შავი-ჩხარი	—	1 „ —

იმ მეაბრეშუმებს, რომლებიც პარკს დახარისხებული სახით აბარებენ, დამატებით მიეცეს დახარისხებისათვის 25 კაპ. თითოეულ კილოგრამში (გარდა დამზად. წუნისა და შავი-ჩხარისა).

5. ხარისხობრივი მიღების დროს ჯილდო-წანამატები მიეცეს ნორმალური ხარისხის პარკის (I, II, III ხარისხის) ჩაბარების გეგმის გადაჭარბებით შესრულებისათვის.

ნორმალური ხარისხის პარკის თანაფარდობა ჩაბარების საერთო გეგმის მიმართ განისაზღვროს 70% რაოდენობით, კონტრაქტაციის ნორმისაგან დამოუკიდებლად.

6. იმ პარკის მიღება, რომელიც რაიონებში ჯგუფობრივი მიღების წესით მზადდება, მოხდეს 1938 წელს მოქმედ პირობებში.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. ი. შელგუა.

გ ე გ მ ა
ზაფხულის გამოკვების აბრეშუმის პარკის კონტრაქტაციისა
და დამზადებისა.

ავტონომიური რესპუბლიკებისა და რაიონების დასახელება	თესლის რეა- ლიზაციის გეგმა კოლო- ფობით	პარკის კონ- ტრაქტაციის და დამზადე- ბის გეგმა ცენ- ტნერობით
თბილისის	20	6,0
საგარეჯოს	15	4,5
ბორჩალოს	20	6,0
ლიუქსემბურგის	10	3,0
კასპის	40	12,0
გურჯაანის	50	15,0
სიღნაღის	70	21,0
წითელი-წყაროს	20	6,0
ლაგოდეხის	300	90,0
თელავის	100	30,0
ყვარლის	250	75,0
ზესტაფონის	300	90,0
ორჯონიკიძის	30	9,0
ჭიათურის	40	12,0
ჩხარის	300	90,0
ჭუთაისის	800	240,0
ბაღდადის	200	60,0
სამტრედიის	700	210,0
წულუკიძის	450	135,0
ვანის	550	165,0
აბაშის	600	180,0
ცხაკაიას	400	120,0
ფოთის	120	36,0
გეგეჭკორის	515	154,5
ზუგდიდის	700	210,0
ხობის	250	75,0
წალენჯიხის	250	75,0
ჩხოროწყუს	400	120,0
მხარაძის	150	45,0
ლანჩხუთის	300	90,0
ჩოხატაურის	500	150,0
ამბროლაურის	50	15,0
ცაგერის	100	30,0
აჭარის ასსრ	150	45,0
აფხაზეთის ასსრ	1250	375,0
სულ საქართველოს სსრ-ში	10000	3600,0

69. სასოფლო საბჭოებში პირველადი აღრიცხვის მდგომარეობის შეხანგბ.

საქართველოს სსრ სახალხო კომისართა საბჭო აღნიშნავს, რომ საქართველოს სსრ სახალხო-სამეურნეო აღრიცხვის სამმართველოს მიერ ჩატარებული შემოწმების შედეგად გამორკვეულ იქნა პირველადი აღრიცხვის სრულიად არადაამაკმაყოფილებელი მდგომარეობა მთელ რიგ სასოფლო საბჭოებში. სამტრედიის რაიონის ღანიჩისა და ჩავანის სასოფლო საბჭოებში, ადიგენის რაიონის ადიგენის და მლაშენის სასოფლო საბჭოებში, აბაშის რაიონის ნისაკოსა და ახალ აბაშის სასოფლო საბჭოებში და კასპის რაიონის კავთის-ხევისა და კასპის სასოფლო საბჭოებში სრულიად არ აღმოჩნდა კოლმეურნობათა ძირითადი საწარმოო მაჩვენებლების აღრიცხვის ჟურნალი (ფორმა № 1), ხოლო იმ სასოფლო საბჭოებში, სადაც ეს ჟურნალი მოიპოვება, მასში არ არის შეტანილი მიმდინარე წლის საჭირო ცნობები (ლუქსემბურგის, ახალქალაქის, ადიგენის, ასპინძის, ბორჩალოს, ლავოდების, თელავის, სამტრედიის, წულუკიძის, თიანეთის, კასპის, გორის, აბაშის რაიონები). მთელ რიგ სასოფლო საბჭოებში (ახალქალაქის რაიონის ახალქალაქისა და მარტუნის სასოფლო საბჭოებში, ადიგენის რაიონის ლაშენისა, ვარხანისა და ადიგენის სასოფლო საბჭოებში, ასპინძის რაიონის თამალის და ასპინძის სასოფლო საბჭოებში, ახალციხის რაიონის, აჭარისა და აწყურის სასოფლო საბჭოებში, ბორჩალოს რაიონის შაუმიანის, სარვანისა და აშაღასერაღის სასოფლო საბჭოებში არ აწარმოებენ სისტემატიურ ჩაწერას მეურნეობათა ძირითადი საწარმოო მაჩვენებლების საკომლო წიგნებში (ფორმა № 2) და ერთპიროვნული მეურნეობათა საკომლო წიგნებში (ფორმა № 3).

ზოგიერთ სასოფლო საბჭოებში (ადიგენის რაიონის ვარხანის სასოფლო საბჭოში, ახალციხის რაიონის აჭარისა და აწყურის სასოფლო საბჭოებში, აგრეთვე ლუქსემბურგის, ასპინძის, ამბროლაურის და სხვ. რაიონების ზოგიერთ სასოფლო საბჭოებში) სრულიად არ აწარმოებენ დროებით მცხოვრები მოსახლეობის სიას (ფორმა № 4-ა); სასოფლო საბჭოებში გაერთიანებულ მეურნეობათა სიების შევსება ხდება არა მეურნეობათა ჩამოვლის საშუალებით, არამედ სათანადო ცნობების მექანიკური გადატანით წარსული წლის საკომლო წიგნებიდან ანდა სააღრიცხვო დოკუმენტებიდან.

სამოქალაქო მდგომარეობის აქტების ჩანაწერებშიც კი მოიპოვება ხარვეზები მოსახლეობის ბუნებრივი მოძრაობის ფაქტების აღრიცხვაში (დაბადება, სიკვდილი და სხვ. აბაშის, სამტრედიის, ბორჩალოს რაიონები).

მთელ რიგ რაიონებში (სამტრედიის, ვანის, აბაშის, ახალქალაქის, ადიგენის, ასპინძის, ბორჩალოსი და თიანეთის რაიონებში) სასოფლო-სამეურნეო კამპანიების მსვლელობის ანგარიშგება სწარმოებს არადაწესებული ფორმით, არამედ ქალაქის ნახევრებზე, პირველადი გასამართლებელი საბუთების დაურთავად, რაც შეუძლებლად ხდის წარმოდგენილი ცნობების შემოწმებას.

მუხ. 39
 1934 წლის
 26 იანვარი

მთელ რიგ სასოფლო საბჭოებში (ბორჩალოს, აბაშის, ასპინძის და სხვა სასოფლო საბჭოებში), შემოღებული წესის პირდაპირი დარღვევით, საკომლო წიგნები და სხვა სააღრიცხვო დოკუმენტები არ არის შენახული ფულადი დოკუმენტების და ფასიანი ქაღალდების თანაბრად, არამედ ალაგია მაგიდებზე, თაროებზე და დაუბურავ ყუთებში, რის შედეგად ადგილი აქვს მათი დაკარგვისა და მოსაპობის შემთხვევებს.

სასოფლო საბჭოებში პირველადი აღრიცხვის მოწესრიგებისა და არსებულ დარღვევათა გადაჭრით აღმოფხვრის მიზნით საქართველოს სსრ სახალხო კომისართა საბჭო ადგენს:

1. წინადადება მიეცეს ყველა რაიონული აღმასრულებელი კომიტეტის თავმჯდომარეებს მათი პირადი პასუხისმგებლობით ჩაატარონ 1939 წლის 15 სექტემბრამდე საკომლო წიგნების და სხვ. სააღრიცხვო დოკუმენტების შემოწმება სასოფლო საბჭოებში იმ ანგარიშით, რომ ამ წიგნებში და დოკუმენტებში შეტანილ იქნას ყველა საჭირო მაჩვენებელი და მოყვანილ იქნას წესრიგში პირველადი აღრიცხვა სასოფლო საბჭოებში.

2. წინადადება მიეცეს რაიონულ აღმასრულებელ კომიტეტებს ჩაატარონ სასოფლო საბჭოთა მდივნების რაიონული თათბირები, რომლებზედაც მოისმინონ სახალხო-სამეურნეო აღრიცხვის რაიონული ინსპექტორების ინსტრუქტიული მოხსენებები და განიხილონ ღონისძიებანი სასოფლო საბჭოებში პირველადი აღრიცხვის მოსაწესრიგებლად.

3. დაევალოს საქართველოს სსრ სახალხო სამეურნეო აღრიცხვის სამმართველოს და მის ორგანოებს ადგილებზე გააძლიერონ ინსტრუქტაჟი და ყოველმხრივი დახმარების აღმოჩენა სასოფლო საბჭოებისათვის პირველადი აღრიცხვის დაყენების საქმეში.

4. წინადადება მიეცეს საქართველოს სსრ სახალხო-სამეურნეო აღრიცხვის სამმართველოს უფროსს — ამხ. გელაშვილს მტკიცედ ადევნოს თვალყური იმას, რომ სახალხო-სამეურნეო აღრიცხვის რაიონული ინსპექტორები ასრულებდნენ მათთვის „სასოფლო საბჭოებში პირველადი აღრიცხვის შესახებ“ სსრ კავშირის სახალხო კომისართა საბჭოს 1934 წლის 26 იანვრის დადგენილებით (სსრკ კან. კრ. 1934 წ. № 6, მუხ. 43) დაკისრებულ მოვალეობას — დაუყოვნებლივ აცნობონ პროკურატურის ორგანოებს დამნაშავეთა პასუხისგებაში მისაცემად დაუდევრობისა და ბოროტმოქმედების ყველა შემჩნეული შემთხვევა, რამაც გამოიწვია აღრიცხვის არევა ან დამახინჯება, და აგრეთვე სააღრიცხვო დოკუმენტების შენახვის წესების დარღვევანი.

5. დაევალოს რაიონულ აღმასრულებელ კომიტეტების თავმჯდომარეებს სისტემატიურად, ერთჯერ მაინც კვარტალში, მოისმინონ პრეზიდიუმზე სასოფლო საბჭოებში პირველადი აღრიცხვის მდგომარეობის საკითხი და მიიღონ კონკრეტული ღონისძიებანი მის მოსაწესრიგებლად.

6. დაევალოს აფხაზეთისა და აჭარის ასსრ სახალხო კომისართა სამხრეთ-ოსეთის ავტონომიური ოლქის ცენტრალურ აღმასრულებელ კომიტეტს განიხილონ სასოფლო საბჭოებში პირველადი აღრიცხვის მდგომარეობა და მიიღონ საჭირო ღონისძიებანი ამ საქმის წესრიგში მოსაყვანად.

7. საქართველოს სსრ სახალხო კომისართა საბჭო ავალებს ყველა რაიონულ აღმასრულებელ კომიტეტების და სასოფლო საბჭოების თავმჯდომარეებს დაუყოვნებლივ ბოლო მოუღონ სასოფლო საბჭოებში პირველადი აღრიცხვის დაყენების საქმისადმი უპასუხისმგებლო დამოკიდებულებას.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. ი. შელეგია.

1939 წ. ივლისის 11. № 1320.

თბილისი.

70. ქ. თბილისში საკოლმეურნეო ბაზრების მუშაობის გაუმჯობესების ღონისძიებათა შესახებ.

აღნიშნავს რა ქ. თბილისის საკოლმეურნეო ბაზრებზე ვაჭრობის სრულიად არადამაკმაყოფილებელ ორგანიზაციას და იმას, რომ ბაზრებზე არსებობენ სარეწაო კოოპერაციის, ინვალიდთა კოოპერაციის, არტელების, არაკოოპერირებულ შინამრეწველთა დიდძალი სავაჭრო და საწარმოო წერტები, რომლებიც უკონტროლოდ მუშაობენ და არსებითად სპეკულიაციას ეწევიან, საქართველოს სსრ სახალხო კომისართა საბჭო ადგენს:

1. დამტკიცდეს ქ. თბილისის საკოლმეურნეო ბაზრებზე წესრიგის დამყარების ღონისძიებანი და წინადადება მიეცეს საქართველოს სსრ ვაჭრობის სახალხო კომისარიატს თბილისის საქალაქო სავაჭრო განყოფილებასთან ერთად უზრუნველჰყოს აღნიშნულ ღონისძიებათა დაუყოვნებლივ განხორციელება და არაუგვიანეს 1939 წლის 1 სექტემბრისა მოახსენოს საქართველოს სსრ სახალხო კომისართა საბჭოს ამ ღონისძიებათა შესრულების შედეგები.

2. დაევალოს თბილისის საქალაქო სავაჭრო განყოფილების საკოლმეურნეო ბაზრების სამმართველოს საკოლმეურნეო ბაზრებზე განთავისუფლებული დარაბები, რომლებიც არტელებსა და ერთეულ შინამრეწველებს ეჭირათ, გამოიყენოს საკოლმეურნეო ვაჭრობის გასაფართოვებლად, ამასთან უზრუნველჰყოს III და IV კვარტალებში კოლმეურნეობათა სტაციონალური სავაჭრო ქსელის დამატებითი მოწყობა საკოლმეურნეო ბაზრებზე ხორციით, რძის პროდუქტებითა და ხილბოსტნეულით ვაჭრობისათვის.

3. დაევალოს საქართველოს სსრ ვაჭრობის სახალხო კომისარიატს ქ. თბილისის საქალაქო სავაჭრო განყოფილებასთან ერთად ერთი დეკადის ვადაში:

ა) მისცეს დავალებანი სავაჭრო ორგანიზაციებს შემხვედრი ვაჭრობისათვის საკოლმეურნეო ბაზრებზე ყოველი ცალკე სავაჭრო წერტის ხაზით, ამასთა



უზრუნველყოს წერტების მთლიანად დატვირთვა სათანადო ასორტიმენტით საქონლით კოლმეურნეთა მოთხოვნილებების დასაკმაყოფილებლად;

ბ) შეიმუშაოს და შემოიღოს შინაგანი განაწესები საკოლმეურნეო ბაზრებზე;

გ) გადასინჯოს საქალაქო სავაჭრო განყოფილების საკოლმეურნეო ბაზრების სამმართველოს, აგრეთვე თითოეული ბაზრის დირექციის აპარატის სტრუქტურა და შტატები იმისათვის, რომ უზრუნველყოფილ იქნას ზუსტი მუშაობა და შემცირდეს ადმინისტრატიულ-სამმართველო ხარჯები.

4. დაევალოს საქართველოს სსრ ვაჭრობის სახალხო კომისარიატს ქ. თბილისის რაიონულ ორგანიზაციებთან ერთად ორი დეკადის ვადაში გადასინჯოს საკოლმეურნეო ბაზრების აპარატის მუშაკთა მთელი შემადგენლობა და დააკომპლექტოს იგი საიმედო, შემოწმებული და საქმიანი კადრებით.

5. რესპუბლიკის პროკურორმა ამხ. ტალახაძემ და საქართველოს სსრ იუსტიციის სახალხო კომისარმა ამხ. ჩხეტიანმა უზრუნველყონ სპეკულიანტთა მიმართ აღძრული ყველა საქმის განხილვა გადაცემის დღიდან არაუგვიანეს 5 დღის ვადისა, ამასთან საქმეების განხილვის დროს არ დაუშვან არავითარი ლმობიერება და დამნაშავეთა მიმართ გამოიყენონ უსასტიკესი ზომები, თანახმად კანონისა.

6. წინადადება მიეცეს საქართველოს სსრ ფინანსთა სახალხო კომისარიატს გადასინჯოს ერთეულ შინამრეწველთა საგადასახადო დაბეგვრა და 1939 წ. 15 აგვისტოდან შემოიღოს დაბეგვრის ახალი ნორმები.

7. იმის გამო, რომ შეუწყნარებელია ისეთი პრაქტიკა, როდესაც ზოგიერთი კოლმეურნეობა თავის წევრად ღებულობს ქ. თბილისის მუდმივ მცხოვრებთ, რომლებსაც კოლმეურნეობაში შესვლამდე არავითარი კავშირი არ ჰქონიათ კოლმეურნეობებთან, და კოლმეურნეობის წევრად მხოლოდ იმისთვის შედიან, რომ ვაჭრობის უფლება მოიპოვონ, წინადადება მიეცეს თბილისის საბჭოს სავაჭრო განყოფილებას ერთი დეკადის ვადაში ჩაატაროს ქალაქის ყველა სტაციონარული საკოლმეურნეო წერტის შემოწმება და დაუყოვნებლივ მოხსნას საკოლმეურნეო წერტებში მუშაობიდან კოლმეურნეობის არაწევრები და მიტმასნილი ცრუ-კოლმეურნეები.

8. გადაუციდველებთან, ბაზრებზე სასოფლო-სამეურნეო პროდუქტების გადაყიდვასთან და ფასების უჯანსაღად გადიდებასთან ბრძოლის მიზნით, წინადადება მიეცეს საკოლმეურნეო ბაზრების სამმართველოს და საკოლმეურნეო ბაზრების დირექტორებს სისტემატურად და ყოველდღიურად შეამოწმონ საკოლმეურნეო წერტები იმისათვის, რათა გამოარკვიონ, ეკუთვნის თუ არა პროდუქტია სათანადო კოლმეურნეობას და რამდენად სწორია დაწესებული ფასები.

როდესაც არ აღმოჩნდება ფაქტურები, რომლებიც ადასტურებენ, რომ პროდუქტია უშუალოდ კოლმეურნეობისაგან არის მიღებული, აგრეთვე თუ არ იქნა კოლმეურნეობის გამგეობის სანქცია გასასყიდ ფასებზე, აღნიშნული წერტების გამყიდველები დაუყოვნებლივ მოიხსნან სამუშაოდან და მათი საქმეები გადაეცეს პროკურატურას სპეკულიაციისათვის პასუხისგებაში მისაცემად.



მუხ. 70

9. დაევალოს თბილისის საქალაქო სავაჭრო განყოფილების საკოლმეურნეო ბაზრების სამმართველოს და ბაზრების დირექტორებს არ დაუშვან სპეციალისტი ყასბები საკოლმეურნეო პროდუქციის გასასყიდად, არამედ გამოიყენონ ისინი მხოლოდ ხორცის დასაქრელად და აუკრძალონ მათ ყოველგვარი ანგარიშსწორება მყიდველებთან.

10. დაევალოს ქ. თბილისის რაისაბჭოების თავმჯდომარეებს ყოველ ხუთ დღეში ერთხელ პირადად შეამოწმონ ვაჭრობის მდგომარეობა საკოლმეურნეო ბაზრებზე.

11. დაევალოს სახელმწიფო სავაჭრო ორგანიზაციებს, რომლებსაც საკოლმეურნეო ბაზრებზე სავაჭრო წერტები აქვთ, ერთი თვის ვადაში შეაკეთონ მათთვის საკოლმეურნეო ბაზრებზე გამოყოფილი სავაჭრო წერტები მიმდინარე რემონტის იმ სახსრების ანგარიშში, რომლებიც გათვალისწინებულია ბრუნვის ხარჯებით.

12. დაევალოს სარეწაო საბჭოს პრეზიდიუმს (ამხ. შავგულიძეს), საქკოოპინკავშირს (ამხ. მაჩაბელს) მოაწყონ ბაზრებზე სანიმუშო მსხვილი სარემონტო სახელოსნოები, რომლებიც გათვალისწინებულია დისლოკაციით, და სასტიკი კონტროლი გაუწიონ მათს მუშაობას, ამასთან გამოჰყონ საწარმოო საამქროები შეკვეთების მიღებისა და შემკვეთლებთან ანგარიშსწორებისათვის, ყველა საწარმოო სახელოსნო მოიყვანონ კულტურულ მდგომარეობაში და შეაკეთონ ისინი არაუგვიანეს ერთი თვის ვადისა.

13. დაევალოს მუშურ-გლეხური მილიციის მთავარ სამმართველოს გააძლიეროს სპეკულიაციასთან ბრძოლა ბაზრებზე, ამასთან მოაწყოს ოპერატიული სამილიცია პუნქტები სტალინის რაიონის დახურულ ბაზარსა და საბურთალოს ბაზარზე, ხოლო დანარჩენ პუნქტებში იყოლიოს მუდმივი სამილიცო საგუშაგოები ერთი ინსპექტორისა და ერთი მილიციელის შემადგენლობით.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. ი. შელეგია.

1939 წ. ივლისის 29. № 1424.
თბილისი.



4
РУСТ 33,35

В,КЕ ИМЭЛ

1 1 12

СВ ГР 3

გამომცემელი: საქართველოს სსრ სახალხო კომისართა საბჭო

უნდა ჩაბარდეს პირველ რიგში
ხელწერილის ქვეშ

მისამართისათვის

ფასი 40 კაპ.

გამომცემლობა „კომუნისტის“, პოლიგრაფიული კომბინატი, ლენინის ქ, № 28.

მთავლიტის რწმ. № ო-448

შეკვ. № 988

ტირაჟი 2000